



Uimhir 17 de 2004

**AN tACHT UM GHÁINNEÁIL AR LEANAÍ AGUS
PORNAGRAFAÍOCHT LEANAÍ (LEASÚ) 2004**
[An tiontú oifigiúil]

RIAR NA nALT

Alt

1. Leasú ar an Acht um Gháinneáil ar Leanaí agus Pornagrafaíocht Leanaí 1998.
 2. Gearrtheideal agus comhlua.
-

[Uimh. 17.] *An tAcht um Gháinneáil ar Leanaí agus Pornagrafaíocht Leanaí (Leasú) 2004.* [2004.]

NA hACHTANNA DÁ dTAGRAÍTEAR

An tAcht um Gháinneáil ar Leanaí agus Pornagrafaíocht Leanaí 1998	1998, Uimh. 22
An tAcht um Choistí Thithe an Oireachtais (Inordaitheacht, Pribhléidí agus Díolúintí Finnéithe) 1997	1997, Uimh. 17



Uimhir 17 de 2004

**AN tACHT UM GHÁINNEÁIL AR LEANAÍ AGUS
PORNAGRAFAÍOCHT LEANAÍ (LEASÚ) 2004**

[An tiontú oifigiúil]

ACHT DO LEASÚ AN ACHTA UM GHÁINNEÁIL AR
LEANAÍ AGUS PORNAGRAFAÍOCHT LEANAÍ 1998
AGUS DO DHÉANAMH SOCRÚ I dTAOBH NITHE
GAOLMHARA. [2 *Meitheamh* 2004]

ACHTAÍTEAR AG AN OIREACHTAS MAR A LEANAS:

1.—Leasaítear an tAcht um Gháinneáil ar Leanaí agus Pornagrafaíocht Leanaí 1998 tríd an alt seo a leanas a chur isteach i ndiaidh alt 12:

Leasú ar an Acht um Gháinneáil ar Leanaí agus Pornagrafaíocht Leanaí 1998.

“13.—Ní choisfidh aon ní san Acht seo—

- (a) ordachán faoi alt 3 den Acht um Choistí Thithe an Oireachtais (Inordaitheacht, Pribhléidí agus Díolúintí Finnéithe) 1997 a thabhairt nó a chomhlíonadh, nó
- (b) ar cheachtar Teach den Oireachtas, ar choiste (de réir bhrí an Achta sin), nó ar aon duine pornagrafaíocht leanaí a shealbhú, a dháileadh, a chlóbhualadh, a fhoilsiú nó a thaispeáint chun aon fheidhm a fheidhmiú, nó i dtaca le haon fheidhm a fheidhmiú, is feidhm a thugtar do na Tithe sin leis an mBunreacht nó le dlí nó a thugtar do choiste den sórt sin le rún ó cheachtar Teach díobh sin nó le rúin uathu araon.”.

2.—(1) Féadfar an tAcht um Gháinneáil ar Leanaí agus Pornagrafaíocht Leanaí (Leasú) 2004 a ghairm den Acht seo.

Gearrtheideal agus comhlua.

(2) Féadfar na hAchtanna um Gháinneáil ar Leanaí agus Pornagrafaíocht Leanaí 1998 go 2004 a ghairm den Acht um Gháinneáil ar Leanaí agus Pornagrafaíocht Leanaí 1998 agus den Acht seo le chéile.